

**आकाशवाणी**

पैहले खास-खास खबरां:-

1. प्रधानमंत्री नरेन्द्र मोदी होरें कल अपने आवास पर भारत सरकार दे सचिवें कन्नै त्रीऽ उच्च स्तह दी बैठक दी अध्यक्षता कीती।
2. केन्द्रीय गृह मंत्री अमित शाह होर कांग्रेस कार्य समीति आस्सेआ “वंदे मातरम” दे पूरे पाठ दे बजाए छडे 2 श्लोक गाने दे फैसले दी नुक्ताचीनी कीती।
3. भारत अज्ज पुणे च 12मीं ब्रिक्स संचार मंत्रिणं दी बैठक दी मेजबानी करोग।
4. राष्ट्रीय परीक्षा एजेंसी NTA ने आखेआ ऐ जे जवाब दी चुनौती प्रणाली सारे विद्यार्थियें आस्तै निरपक्ख ऐ।
5. ट्रम्प प्रशासन नै हिज्बुल्लाह पर नमैं प्रतिबंध लाए ते अमरीकी प्रशासन नै इस गुट गी ईरान दे प्रतिनिधि दे तौर पर फीह वर्गीकृत कीता।
6. ते हॉकी च अज्ज FIH विश्व कप दे दुए पूल चरण दे पैहले मैच च भारती महिला टीम दा मुकाबला नीदरलैंड कन्नै होग।

<><><><><><><><>

**PM -Secys Meeting**

प्रधानमंत्री नरेन्द्र मोदी होरें कल अपने आवास पर भारत सरकार दे सचिवें कन्नै त्रीऽ उच्च स्तह दी बैठक दी अध्यक्षता कीती। इस बैठक च ढांचा ते सम्पर्क- विरोधी मामलें ते शासन प्रणाली कन्नै जुडे दे मंत्रालय ते विभागें दे भविक्ख दी कार्यसूचि पर चर्चा कीती गई। बैठक दौरान प्रधानमंत्री होरें सचिवें थमां मुख्य दे भविक्ख गी आकार देने बारे लम्मी अवधि आहले नजरिए राएं सोचने दा आग्रह कीता। प्रधानमंत्री होरें सरकारी मैहकमे- विश्वविद्यालयें ते युवाएं बशकार मते जुड़ाव दी गल्ल आक्खी। उ'नें आखेआ जे मुख्य दे रक्षा उद्योग गी होर मजबूत करने ते उस्सी वैश्विक स्तह पर मता मुकाबलेबाजी आहला बनाने दी लोड़ ऐ। मोदी होरें आखेआ जे डाटा राष्ट्रीय सम्पदा ऐ ते भविक्ख लेई इक संसाधन ऐ। मोदी होरें AI दे असरदार इस्तेमाल दे कन्नो-कन्नी इंसानी दखल यकीनी करने ते क्षमताएं गी इंसानी महारत कन्नै जोड़ने पर जोर पाया। प्रधानमंत्री होरें मुश्कल चनौतिणं कन्नै निबड़ने ते भारत दे भविक्ख गी आकार देने लेई बेहतर तालमेल- नमीं सोच ते सामूहिक जिम्मेदारी दी जरूरत गी दौहराया।

<><><><><><><><>

## Japanese DM- PM

प्रधानमंत्री नरेन्द्र मोदी होरें कल जापान दे रक्षा मंत्री शिंजिरो कोइजुमी हुंदे कन्नै मलाटी कीती। इस दौरान मोदी होरें भारत ते जापान बशकार खास रणनीतिक ते वैश्विक सांझेजारी गी होर मजबूत करने दे नजरिए गी सांझा कीता। उ'नें भारत- प्रशांत ते अग्गे शांति स्थिरता ते समृद्धि गी बढ़ावा देने पर जोर पाया। प्रधानमंत्री होरें रक्षा क्षेत्र च भारती कम्पनिएं ते स्टार्ट-अप्स कन्नै जापान दी सांझेदारी दे मौके दे बारे च दस्सेआ- खास करी “मेक इन इंडिया” तैहत मिलिए विकास ते उत्पादन करने आस्तै । रक्षा मंत्री होरें मोदी होरेंगी दपक्खी रक्षा सहयोग पर होई दी प्रगति बारे जानकारी दिती। सोशल मीडाय पोस्ट सांझा करदे होई प्रधानमंत्री होरें आखेआ जे भारत ते जापान बशकार रक्षा ते सुरक्षा सरबंधें गी इंगा करने पर गल्लबात होई ऐ।

<><><><><><><><>

## Amit Shah –Vande Matram

गृहमंत्री अमित शाह होरें कांग्रेस कार्य समीति आस्सेआ “वंदे मातरम” दे पूरे पाठ दे बजाए छडे 2 श्कोल गाने दे फैसले दी नुक्ताचीनी कीती ऐ। संवाददाताएं कन्नै गल्ल करदे होई शाह होरें आखेआ जे एह फैसला संसद आस्सेआ पारित कनून दा खुल्ला उल्लंघन ते राष्ट्र विरोधी ऐ। शाह होरें दावा कीता जे बरे 1937 च कांग्रेस नै तुश्टीकरण दे नांs पर “वंदे मातरम” गी दो हिस्सैं च बंडी दिता हा। उ'नें आखेआ जे “वंदे मातरम” दी 150मीं बरे गंड पर केन्द्र सरकार नै इस ऐतिहासिक गलती गी सुधारदे होई पूरे गीत गी कानूनी मान्यता दिती। शाह होरें दोष लाया जे राहुल गांधी हुंदी अगुआई च कांग्रेस इक बारी फही वोट बैंक दी राजनीति आस्तै तुश्टीकरण दे रस्ते पर चला रदी ऐ।

<><><><><><><><>

## 12<sup>th</sup> BRICS Communication Min. Meet

भारत अज्ज पुणे च 12मीं ब्रिक्स संचार मंत्रिएं दी बैठक दी मेजबानी करोग। बैठक दी अध्यक्षता संचार मंत्री ज्योतिरादित्य सिंधिया करडन। एदे च ब्रिक्स सदस्य मुखें दे संचार मंत्री ते वरिष्ठ प्रतिनिधि सूचना ते संचार प्रद्योगिकी- डिजिटल बदलाव- नमिएं काहडे गी मजबूत करने पर विचार-विमर्श करडन। बैठक दा विशे ऐ- लचीले भविक्ख आस्तै नवाचार-सहयोग ते बदलाव।

<><><><><><><><>

## Brics Tourism

भारत दी ब्रिक्स अध्यक्षता तैहत अज्ज जयपुर च ब्रिक्स सैलसफा मंत्रिणं दी बैठक शुरू होग। 2 दिन दी बैठक च ब्रिक्स सदस्य मुख्य दे सैलसफा मंत्री ते वरिष्ठ अधिकारी एदे च हिस्सा लैडन। बैठक च सैलसफा क्षेत्र च सहयोग गी मजबूत करने पर ध्यान केन्द्रित कीता जाग। चर्चा दे मुख्य विशे च टिकाऊ ते जिम्मेदार सैलसफा- कौशल विकास- आसान यात्रा ते सैलसफा च प्रयोगिकी ते AI दा इस्तेमाल शामिल कीता जाग। एह बैठक 19 ते 20 अगस्त गी जयपुर च होई दी ब्रिक्स सैलसफा कार्य समूह दी बैठक मगरा होआ रदी ऐ। इस बैठक च ब्रिक्स मुख्य बंशकार सैलसफा सरबन्धी सहयोग होर मजबूत होग ते सैलानिणं दी आवा-जाई ते लोकें बंशकार आपसी मेल-जोल गी बढ़ावा थहोग।

<><><><><><><><>

## NTA- Ans Key Challenge

मतेहाने सरबन्धी राश्ट्री एजेंसी -एनटीए ने आखेआ ऐ जे जोआब दी चुनौती प्रणाली सबने विद्यार्थिये लेई निरपक्व ऐ। एनटीए ने एहदे मैहगे होने सरबन्धी चैताणं गी खारज करी दिता ऐ। एन.टी.ए दी जोआब सरबन्धी चुनौती इ.क ऑनलाइन प्रक्रिया ऐ जेहदे च जे.ई.ई मेन, नीट जां यू.जी.सी नेट दा मतेहान देने आह्ने मेदवार अस्थाई जोआब च मजूद गलतिये पर ऐतराज जताई सकदे न। एन.टी.ए ने इक सोशल मीडिया पोस्ट च आखेआ ऐ जेगर कोई बी मेदवार कुसे सोआल गी चुनौती दिंदा ऐ ते माहिर उस चुनौती गी स्वीकार करी लेंदे न तां संशोधित जोआब, मतेहान देने आह्ने सबने मेदवारे उपपर लागू होंदा ऐ। एन.टी.ए ने आखेआ जे जोआब गी चुनौती देने पर फीस इसकरिये लैती जंदी ऐ तांजे बेवजह दी चुनौती थमां बचेआ जाई सके ते जेगर चुनौती स्हेई साबत होंदी ऐ तां फीस वापस करी दिती जंदी ऐ। एन.टी.ए ने दस्सेआ जे जेहडे मेदवार दी चुनौती स्हेई मन्नी जंदी ऐ, उसी हर इक सोआल स्हाबै 200 रपे वापस कीते जंदे न। एन.टी.ए ने आखेआ जे फीस दा मकसद बेवजह दी चुनौती गी रोकना ऐ, नां के स्हेई चुनौती थमां लाह लैना।

<><><><><><><><>

## US Iran Hizbolla

ट्रंप प्रशासन ने हिज्बुल्लाह पर नमै प्रतिबंध लाए न। अमरीकी प्रशासन ने इस गुट गी ईरान दे प्रतिनिधि दे तौर पर फही वर्गीकृत कीता ऐ। अमरीका दे वित्त विभाग ने 10 ऐसे लोकें पर प्रतिबंधे दी घोषणा कीती ऐ, जिंदे उपपर हिज्बुल्लाह गी रपेआ-पैसा पुजाने लेई जिम्मेदार नेटवर्क दा हिस्सा होने दा आरोप ऐ। अमरीका दे वित्त विभाग मूजब एह नेटवर्क लेबनान, तुर्किये, संयुक्त अरब अमीरात ते ईरान दे बंशकार कारोबारी एयरलाइन डुआरिणं राहें जातरा

करने आह्ने कूरियर दा इस्तेमाल करियै बक्ख-बक्ख मुल्खें च बड़्डी मात्रा च पैसे भेजदा हा। एह्दे'नै हिज्बुल्लाह गी औपचारिक माली प्रणाली थमां बाहर बदेशी मुद्रा हासल करने ते प्रतिबंधें थमां बचने दा जरिया मिलदा हा। इस नमें वर्गीकरण दा मकसद एह् दस्सना ऐ जे हिज्बुल्लाह ईरान दे इस्लामिक रिवोल्यूशनरी गार्ड कोर – आई.आर.जी.सी दी तरफा कम्म करदा ऐ ते कोई स्वतंत्र संगठन नेई ऐ। एह्दे'नै औपचारिक रूप कन्नै एह् मन्नेआ जंदा ऐ जे हिज्बुल्लाह दे फौजी अभियान, बाहरी सुरक्षा गतिविधियां ते बड़्डे माली नेटवर्क आईआरजीसी दे विस्तार दे तौर उप्पर कम्म करदे न। आई.आर.जी.सी ईरान दा ओह् मुख्ब ज़रिया ऐ जेह्दे'नै ओह् अपने बन्नै दे बाह् आतंकवाद गी बढ़ावा दिंदा ऐ। अमरीका ने हिज्बुल्लाह ते आई.आर.जी.सी, दौनें गी लम्मे समें थमां खासकरियै नामित वैश्विक आतंकवादी गुट घोशत करी रक्खे दा ऐ। हिज्बुल्लाह, लेबनान दी इक राजनीतिक पार्टी होने दे कन्नो-कन्नी इक थेहारबंद गुट बी ऐ। एह् ताजा गैह् नेह् समें च पुट्टी गेई ऐ जिसलै ट्रंप प्रशासन इस्राएल ते लेबनान बश्कार शांति वार्ता गी सौक्खा बनाने दी कोशश करा'रदा ऐ।

<><><><><><><>

## FIH Hockey

हॉकी च, अज्ज अम्स्टल्फेन च एफ.आई.एच विश्व कप दे दुए पूल चरण दे पैह्ले मैच च भारती महिला टीम दा मुकाबला नीदरलैंड्स कन्नै होग। एह् मैच भारती समें मताबक रातीं साइडे 9 बजे थमां शुरू होग। एह्दे शा पैह्ले, कल पूल डी दे अपने आखरी मैच च इंग्लैंड दे कन्नै बिजन कुसै गोल दे ड्रॉ खेड्ढने परैन्त भारत दुए दौर च पुज्जी गेआ। दौनें टीमैं मौके बनाए पर गोल करने च नाकाम रेहियां। पूरे मैच दे दरान भारत दा डिफेंस मजबूत बने दा रेहा। भारत ने खासकरियै तनाs भरोचे दुए हाफ दे दरान इंग्लैंड दे कैंई पेनल्टी कॉर्नर रोके। इस ड्रॉ दी मदाद कन्नै सलीमा टेटे दी कसानी आह्नी भारती टीम 'पूल डी' च दुई महत्वपूर्ण थाहर हासल करने च कामयाब रेही।

<><><><><><><>

## Weather

मौसम विभाग नै मध्य प्रदेश च अज्ज बरखा दा ऑरेंज अलर्ट जारी कीता । उत्तराखंड- पश्चिमी उत्तर प्रदेश- हिमाचल प्रदेश- जम्मू-कश्मीर- ओडिशा- पश्चिम बंगाल दे तराई आहले क्षेत्र ते पूर्वोत्तर भारत दे किश हिस्सें च तेज बरखा दा अनुमान जाहिर कीता ऐ। आंध्र प्रदेश- कर्नाटक- राजस्थान- झारखंड- तमिलनाडू- पुद्दुचेरी ते अंडमान ते निकोबार द्वीप समूह च कल तगर तेज हवा चलने दी संभावना ऐ। दिल्ल च अज्ज बदल छाए रौहने ते हलकी बरखा पौने दे इमकान दस्से गेदे न।

<><><><><><><>

## JK HC Bench –Ladakh

केन्द्री मंत्रिमंडल नै लद्दाख च जम्मू हाई-कोर्ट दी बेंच कायम करने दी मंजूरी देई दिती ऐ। केन्द्री गृह मंत्री अमित शाह होरें सोशल मीडिया पर एह जानकारी सांझी कीती ऐ। उ'नें आखेआ जे इस गैह कन्नै लद्दाख दे दूर-दरेडे इलाकें च रौहने आहलें लोकें गी तौले इंसाफ हासल करने च बड़ी सखाल होई जाहग- कीजे उनें'गी कनूनी सेवाएं लेई मता चिर इंतजार नैई करन पौग। उ'नें इस गल्लै पर बी जोर दिता जे सरकार लद्दाख दे पूरे-पराते विकास लेई पूरी चाल्ली समर्पित ऐ ते उस गल्लै गी यकीनी बना रदी ऐ जे उत्थे संवैधानिक सुरक्षा यकीनी बनी सकै।

<><><><><><><>